

**III – AKTI OPĆINSKIH SLUŽBI ZA UPRAVU**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI NAČELNIK  
Služba za upravu ekonomskih  
poslova i poduzetništvo

Broj: 03/5-21-10-529/10

Dana, 04.10.2010. godine

Na osnovu člana 14. stav 1. Odluke o organizaciji i načinu obavljanja taksiprijevoza putnika na području Zeničko-dobojskog kantona („Službene novine ZDK“, broj 6/10), Služba za upravu ekonomskih poslova i poduzetništvo utvrđuje

**C J E N O V N I K****usluga taksi prijevoza na nivou općine Zavidovići****I**

Ovim aktom utvrđuje se cjenovnik usluga taksiprijevoza na nivou općine Zavidovići kako slijedi:

<b><u>NAZIV USLUGE</u></b>	<b><u>CIJENA</u></b>
- početak vožnje (start)	2,00 KM
- vožnja po pređenom kilometru	1,00 KM
- čekanje-jedan sat	10,00 KM
- noćne vožnje, vožnje nedjeljom i praznikom po pređenom kilometru	1,30 KM
- prijevoz prtljaga preko 10 kg po jednoj torbi ili koferu	2,00 KM

**II**

Po završetku vožnje, putnik koji se prevozi je obavezan platiti ugovorenu ili taksimetrom utvrđenu cijenu prijevoza.

**III**

Cijena taksiprijevoza se utvrđuje taksimetrom po cjenovniku usluga.

Ukoliko taksiprijevoznik ne uključi taksimetar, a cijena prijevoza nije ugovorena, putnici koji se prevoze nisu obavezni platiti naknadu za izvršeni prijevoz, osim cijene starta utvrđene ovim Cjenovnikom.

**IV**

Cijena prijevoza na relacijama dužini od 25 km može se ugovoriti i bez uključenja taksimetra, s tim da cijena ne može biti veća od one koja bi se utvrdila taksimetrom.

Prije početka ovog prijevoza taksiprijevoznik je dužan izdati kartu za prijevoz putniku koji se prevozi na utvrđenoj relaciji, a koja treba da sadrži: registarski broj vozila, putnu relaciju, naplaćenu odnosno ugovorenu cijenu, datum prijevoza, potpis i otisak pečata taksiprijevoznika.

- 437 -

**V**

Cijena taksiprijevoza utvrđena taksimetrom ne može se uvećavati bez obzira na broj putnika koji se prevoze.

Ukoliko se istim vozilom prevozi više putnika cijena prevoza se dijeli podjednako na sve korisnike taksi usluge.

**VI**

Za vrijeme obavljanja taksiprijevoza, taksi vozač je dužan u vozilu imati cjenovnik usluga izdat od strane Službe za upravu ekonomskih poslova i poduzetništva i ovjeren od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona i isti mora biti istaknut na vidnom mjestu.

**VII**

Ovaj Cjenovnik stupa na snagu danom davanja saglasnosti Ministarstva za prostorno uređenje, promet i komunikacije i zaštitu okoline Zeničko-dobojskog kantona i bit će objavljen u „Službenom glasniku općine Zavidovići“, nakon davanja saglasnosti.

Stupanjem na snagu ovog Cjenovnika prestaje da važi Zaključak o utvrđivanju cjenovnika usluga taksi prijevoza na nivou općine Zavidovići broj 03/5-27-1850/08 od 15.04.2008.godine.

POMOĆNIK NAČELNIKA

(M.P.)

Džeraldina Miličević, dipl.ing. građ., s.r.

Broj: 12-27-22209-6-1/10  
Zenica, 21.20.2010.godine

Na osnovu člana 14. stav 4. Odluke o organizaciji i načinu obavljanja taksiprijevoza putnika na području Zeničko-dobojskog kantona („Službene novine Zeničko-dobojskog kantona“, broj 6/10), Ministarstvo za prostorno uređenje, promet i komunikacije i zaštitu okoline Zeničko-dobojskog kantona **ovjerava** Cjenovnik usluga taksiprijevoza na nivou općine Zavidovići, broj 03/5-21-10-529/10 od 04.10.2010.godine, Službe za upravu ekonomskih poslova i poduzetništvo općine Zavidovići.

MINISTAR

(M.P.)

Nermin Mandra, s.r.